

THE COMPOST COLLECTIVE



FAAMA KELEMUTU

TAUTEUTE KE KAMATA

Fakaaoga he faama moko e tau kelemutu tuga e tau kelemutu taika ke kai ki loto he tau otaota mena kai laku, tau otaota katene, tau otaota laupepa mo e tau puhapepa. Ko e fio he tau te moko (Castings) mo e tau puke (Worm Tea) ko e fetalaise kua mua e mitaki ke fakatalumelie aki e kelekele he katene. Nā kai uka e levekiaga he faama kelemutu. Ko e mena uho ke:

- Fakatatai e lahi he tau mena kai ka age e koe ke he tau kelemutu ke tatai mo e numela ha lautolu.
- Ua fagai e tau kelemutu aki e tau mena ne nakai manako a lautolu ke kai.
- Fagai e tau moko aki e tau veve mata mo e magomago he tau fakatataiaga kua hako.

KO E TAU MENA KE FAGAI AKI E TAU KELEMUTU HAAU:

Tau veve mata - 70%

Tau veve mai he fonua kua puke he nitrogen. Ko e ha mena ni kua molū, foou mo e palapala. Lalafi ki ai e:

- Tau otaota mo e tau kili ne kua halu mai he tau fua lakau mo e tau vesetapolo
- Tau pinipini kofe mo e tau taga pini ti
- Tau kili fufuamoa
- Tau manua [manure] mai he tau manu tuga e tau lapiši & tau kinipiki

Tau veve magomago - 30%

Tau veve magomago mai he fonua. Ko e ha mena ni kua magomago, kakī mo e malamala. Lalafi ki ai e:

- Tau laupepa kua helehele fakaikiiki.
- Tau puhapepa mahēhē tuga e tau puha fufuamoa po ke tau vikoviko pepa falevao.
- Tau lau akau momokulu ha ko e vahā mateafu.



EcoMatters



Kaipātiki Project
share in nature's revival



FAAMA KELEMUTU

TAUTEUTE KE KAMATA

Fifili e vala kelekele kua malumalu mai he laa. Tauteute e faama kelemutu haau aki e fata he tau veve palapala, gaagaa mitaki tuga e tau pulu niu, tau puha pepa mahēhē po ke tau veve fakapopo, ti lalafi ki ai e tau kelemutu haau.

Fagafagai

Maeke he tau moko ke kai e mamafa he tau mena kai tuga ni e tau mamafa he ha lautolu a tau tino, ti fakaeneene ke ua molea e tau fagai ha lautolu. Kamata aki e vala tote he 1-2 e aho, ti uta kehe ha mena kua pulu mo e tu pusi. Fakalahilahi fakaeneene e tau fufuta mena kai ka mole e 6 mahina fakamua. To tupu loga fakahaga e tau moko ato hoko atu foki ke he magaaho kua kai oti mafiti e tau mena kua age e koe ki a lautolu.

Tau levekiaga


Manako e tau moko ke he ua e mena, ko e hauhau mo e palapala, ti lata ke mailoga mitaki kua palapala mo e tatafe mitaki e faama kelemutu haau. Ka fai tepe, toka mahafagi mo e pakete i kelekele ke hapo aki e Ti Kelemutu [Worm Tea]. Hokahoka aki e huki katene e faama kelemutu haau ke lafi fakalataha e tau veve magomago tuga e tau puha fua moa mahēhē ke lagomatai aki ke tatai e pH mo e fai matagi e faama kelemutu haau.



TAU MENA KE NĀKAI FAGAI AKI A LAUTOLU

Hahā i ai falu a mena kua lata i a koe ke fakamamao mai he tau fagai kelemutu haau. Hanai e tau mena ia:

- Tau mena kai magiho tuga e polo magiho, aniani mo e kaliki.
- Tau vala manu mo e tau mena kai taute mai he huhu
- Tau mena kai he fua moli po ke tipolo
- Tau mena kai moho po ke tau kai mau tuai tuga e tau falaoa mo e pasatā.
- Tau oela mo e tau kai pukepuke tuga e supo
- Tau fakavao/te kuli mo e pusi.



MAGAHO HELEHELE/FAKAAOGA

Tau te he tau kelemutu

Kua lata e tau te kelemutu [Castings] he tau kelemutu ke fakaaoga kaeke kua kamata e tau atu i lalo he faama kelemutu ke namu kelekele mo e hagahaga mai tuga e kelekele veve fakapopo. Ko e magaaho nei, gahoa ni e kelemutu ne maeke ke kitia. Folafole e tau te kelemutu he tau atu kelekele he katene haau po ke fio taha e vala he te kelemutu ke he hogofulu e vala he vai, kilu fakamitaki ti liligi e puke he tau te kelemutu kua faliu vai ke he tau matapatu he tau akau haau.

Ti kelemutu

Toka tumau e puke ke tafe ke he taha pakete kehe. Ke fakaaoga he katene, kua mitaki lahi ke fio fakatokolalo aki e valavai e lanu he ti uli lololele. Tuku takai tumau ke he tau vaka akau tuga ni e fagai kelekele fetalaise [fertiliser].



Lapa Fagai 2


Fakaaoga e atu nei kaeke kua puke e Lapa Fagai 1

Lapa Fagai

Puke he tau fakavao/te moko

Pa

Ke hapo aki e tau puke



HAHĀ I AI UA E FAGA FAAMA KELEMUTU

Fakatokatoka

Vehevehe e tau mena nai ke he tau atu fata kehekehe. Fai pa a lautolu ke hapo aki e tau puke ti ua foki e atu fakatokatoka he tau lapa fagai ne fa fakafetuiaki he tau magaaho fafati Ko e atu he vahālo to ka fakaaoga kaeke kua hoko ke he 2/3 puke atu i luga.

Tafetafe Tumau

Ko e vaka taha ni a e mo e ava tokanoa ke fakamalu aki e tau kelemutu. Kua mukamuka ia koe ke fagai i luga kae fakaaoga mai he ava tokanoa he kelekele.

